

## ՀԱՇՎԵՏՎՈՒԹՅՈՒՆ

### ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԻՐԱՎԱԲԱՆԱԿԱՆ ԲԱԺՆԻ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

2021թ. հունվարի 1-ից հունիսի 30-ն ընկած ժամանակահատվածի համար

- ❖ ՀՀ Վայոց ձորի մարզպետարանի իրավաբանական բաժինը 2021թ. 1-ին կիսամյակի ընթացքում ապահովել է ՀՀ օրենսդրությամբ Մարզպետին և Գլխավոր քարտուղարին վերապահված լիազորությունների օրինականությունը, ուսումնասիրվել է Մարզպետարանի կառուցվածքային սրորաբաժանումների կողմից ներկայացված Մարզպետի և Գլխավոր քարտուղարի ընդունած իրավական ակտերի նախագծերի համապատասխանությունը ՀՀ գործող օրենսդրությանը.
- ❖ Ուսումնասիրվել է տեղական ինքնակառավարման մարմինների կողմից ընդունված իրավական ակտերի օրինականությունը և ծագած խնդիրների լուծման վերաբերյալ Մարզպետի գրությամբ համապատասխան առաջարկություններ է ներկայացվել համայնքների ղեկավարներին.
- ❖ Հաշվետու ժամանակահատվածում մարզի ավագանիների կողմից ընդունվել է 399 որոշում, որոնք հիմնականում վերաբերվում են համայնքների բյուջեների ընդունմանը, դրանցում կատարված գումարային և հողվածային վերաբաշխումներին, համայնքի ղեկավարի աշխատակազմի թվաքանակի, հաստիքացուցակի, դրույքաչափերի հաստատմանը, համայնքի սեփականություն հանդիսացող հողերի օտարմանը համաձայնություն տալուն և ներհամայնքային այլ խնդիրների:  
Համայնքների ղեկավարների կողմից ընդունվել է 1107 որոշում, որոնք վերաբերվում են շենքեր, շինություններ հասցեավորելուն, շինարարության թույլտվություններ տալուն, հողամասերը որպես առանձին միավոր գրանցելուն և նման այլ խնդիրների: Անհամապատասխանությունների և թերությունների հայտնաբերման դեպքում որոշումները վերադարձվել են համայնք՝ համապատասխան ուղղումների, որոնք սահմանված կարգով ուղղվել և վերադարձվել են մարզպետարան:
- ❖ Ուսումնասիրվել են քաղաքացիների դիմումները, բողոքները և առաջարկությունները, ձեռնարկվել համապատասխան միջոցառումներ և առաջարկություններ են ներկայացվել Մարզպետին: Հաշվետու ժամանակահատվածում ստացել ենք քաղաքացիների դիմումներ, ինչպես թղթային տարբերակով, այնպես էլ առցանց և ՀՀ վարչապետի աշխատակազմից կամ ՀՀ ՏԿ և ենթակառուցվածքների նախարարությունից վերամակագրված: Դիմումներում բարձրացված հարցերը վերաբերվում էին անշարժ գույքի նկատմամբ սեփականության իրավունքի գրանցման հետ կապված, աշխատանքային իրավունքների իրացման և բնակարանի վթարայնության հետ կապված, պետական մարմինների հետ ունեցած խնդիրների, իրավական ակտերի չիմացության հետևանքով հանդիպած տարաձայնությունների, հողային (հարևանային իրավունքի) հարաբերությունների հետ կապված խնդիրների, գույքին պատճառված վնասի փոխհատուցմանը, բնակավայրը էլ. էներգիայի անջատումներից կրած նյութական

վնասների և նման այլ հարցերի: Դիմումներին պատասխանվել է Հայաստանի Հանրապետության օրենսդրության պահանջներից ելնելով:

- ❖ Իրականացվել է քաղաքացիների և պաշտոնատար անձանց ընդունելություն, տրամադրվել անհրաժեշտ իրավաբանական խորհրդավորություն և համապատասխան տեղեկավորություն ինչպես քաղաքացիների, այնպես էլ համայնքապետարանների աշխատակազմերի աշխատակիցների:
- ❖ Մարզպետարանի ստորաբաժանումների աշխատակիցներին տրվել են պարզաբանումներ՝ ՀՀ օրենսդրական և ենթաօրենսդրական ակտերի, ինչպես նաև դրանցում կատարված փոփոխությունների ու լրացումների վերաբերյալ, տրամադրվել են մեթոդական ցուցումներ:
- ❖ Պատասխանվել են մի շարք լրատվական կայքերի լրագրողների և հասարակական կազմակերպությունների հարցումների:
- ❖ Մասնակցել ենք մարզպետարանում կազմակերպված տարաբնույթ հիմնախնդիրների քննարկումների, ունեցել ենք ներդրում՝ մի շարք հիմնախնդիրների իրավական առումով լուծում տալու գործում:
- ❖ Ուսումնասիրվել են ՀՀ օրենքների և կառավարության որոշումների նախագծեր, դրանց վերաբերյալ ներկայացվել են մի շարք առաջարկություններ (Հայաստանի Հանրապետությունում աշնանացան ցորենի արտադրության խթանման 2021 թվականի պետական աջակցության ծրագիրը հաստատելու մասին կառավարության որոշման նախագիծ, «Հայաստանի Հանրապետության կառավարության 2003 թվականի դեկտեմբերի 18-ի N 1699-Ն և 2021 թվականի փետրվարի 18-ի N 214-Ն որոշումներն ուժը կորցրած ճանաչելու, Հայաստանի Հանրապետության արդարադատության նախարարության քաղաքացիական կացության ակտերի գրանցման գործակալության սպասարկման կենտրոնների գործառույթների իրականացումը համայնքների ղեկավարներին պարզաբանելու մասին» ՀՀ կառավարության որոշման, ««Տեղական ինքնակառավարման մասին» Հայաստանի Հանրապետության օրենքում փոփոխություն կատարելու մասին» Հայաստանի Հանրապետության օրենքի, «Հայաստանի Հանրապետության տոների և հիշատակի օրերի մասին» Հայաստանի Հանրապետության օրենքում փոփոխություններ կատարելու մասին» Հայաստանի Հանրապետության օրենքի, ««Տեղական տոների և վճարների մասին» Հայաստանի Հանրապետության օրենքում փոփոխություն և լրացում կատարելու մասին» Հայաստանի Հանրապետության օրենքի նախագիծ և մի շարք այլ իրավական ակտեր):
- ❖ Ուսումնասիրվել են Բաժնի հասցեագրված նամակները, գրությունները, հանձնարարականները, քննարկվել և օրենքով սահմանված ժամկետում ապահովվել է դրանց լուծումը:
- ❖ Համագործակցել ենք հանրապետական գործադիր մարմինների տարածքային ծառայությունների և տեղական ինքնակառավարման մարմինների հետ:
- ❖ Նախապատրաստվել են Բաժնի գործունեության հետ առնչվող գրություններ, զեկուցագրեր, հաշվետվություններ, տեղեկավորություն, եզրակացություններ և ներկայացվել համապատասխան մարմիններին:

- ❖ Ամենամյա տեղեկարկություն է ներկայացվել Հայաստանի Հանրապետության տարածքային կառավարման և ենթակառուցվածքների նախարարություն՝ մարզի համայնքների ավագանիների կողմից ընդունված որոշումների վերաբերյալ:
- ❖ Տեղական ինքնակառավարման մարմինների կողմից ընդունված որոշումները տեղադրվել են ՀՀ Վայոց ձորի մարզպետարանի պաշտոնական կայքում:
- ❖ Պատասխանվել են տարբեր պետական մարմինների և այլ կազմակերպությունների կողմից ստացված գրություններին, ընթացիկ գրություններին:

**ԻՐԱՎԱԲԱՆԱԿԱՆ ԲԱԺՆԻ ՊԵՏ՝**

**Ն. ՄԱՂԱՔՅԱՆ**

**10.07.2021թ.**